



Na osnovu člana 3. stav (1) i člana 140. stav (5) Zakona o službi u Oružanim snagama BiH ("Službeni glasnik BiH, broj: 88/05, 53/07, 59/09, 74/10 i 42/12"), a u skladu sa članovima 2., 20., 21., 22., 23., 24., 25., 26., i 27. Pravilnika o školovanju i usavršavanju u MO i OS BiH, broj: 13-02-3-1632/10 od 01.04.2010. godine, a u cilju izbora kadeta za školovanje u inostranstvu, Ministarstvo odbrane BiH, Hamdije Kreševljakovića broj 98, 71000 Sarajevo, **raspisuje:**

JAVNI KONKURS

za školovanje kadeta na Vojnim akademijama Oružanih snaga Republike Grčke, za školsku 2015/2016. godinu

I – Ministarstvo odbrane Bosne i Hercegovine raspisuje javni konkurs za školovanje kadeta na Vojnim akademijama Oružanih snaga Republike Grčke, za školsku 2015/2016. godinu po sledećem:

- a) 1 (jedan) kadet na Vojnoj akademiji kopnene vojske,
- b) 1 (jedan) kadet na Vojnoj vazduhoplovnoj akademiji.

II – Školovanje na Vojnim akademijama Oružanih snaga Republike Grčke traje pet godina i to prva godina je učenje grčkog jezika.

Odabrani kandidati imat će svojstvo kadeta, čija će prava i obaveze biti regulisane u skladu sa članovima 73., 142. i 143. Zakona o službi u Oružanim snagama BiH ("Službeni glasnik BiH, broj: 88/05, 53/07, 59/09, 74/10 i 42/12"), i članom 29. Zakona o platama i naknadama u institucijama Bosne i Hercegovine ("Službeni glasnik BiH", broj: 50/08, 35/09, 75/09, 32/12 i 42/12).

Po završetku školovanja, kadeti će biti primljeni u vojnu službu u početnom činu oficira Oružanih Snaga BiH, potporučnika, odgovarajućeg roda-službe.

Međusobne obaveze kandidata izabranog za školovanje na Vojnoj akademiji u Republici Grčkoj i Ministarstva odbrane Bosne i Hercegovine regulišu se Ugovorom o školovanju.

III – UVJETI KONKURSA

Kandidati treba da ispunjavaju opće i posebne uvjete konkursa.

1. **Opći uvjeti** su propisani članom 9. Zakona o službi u Oružanim snagama BiH ("Službeni glasnik BiH, broj: 88/05, 53/07, 59/09, 74/10 i 42/12"):
 - a) da je državljanin Bosne i Hercegovine,
 - b) da je zdravstveno sposoban za službu u Oružanim snagama,
 - c) da nije osuđivan na bezuslovnu kaznu zatvora u trajanju dužem od šest mjeseci,
 - d) da nije prethodno otpušten iz državne službe ili pravnog lica, zbog povrede službene dužnosti u posljednje tri godine,
 - e) da mu pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,
 - f) da se protiv njega ne vodi krivični postupak za krivično djelo za koje se goni po službenoj dužnosti,

- g) da ima odgovarajuću stručnu spremu potrebnu za obavljanje određene dužnosti,
- h) da nije mlađi od 18 godina.

2. Posebni uvjeti:

- a) da nije stariji od 22 godine na dan 01.09.2015. godine,
- b) završena četverogodišnja srednja škola,
- c) da je u svakom razredu srednje škole postigao najmanje vrlo dobar uspjeh,
- d) poznavanje rada na računaru (Word, Excel, Power Point, Internet).

e) Zdravstveni uvjeti:

- na konkurs se ne mogu prijaviti kandidati koji boluju od asme, oboljenja pluća ili srca, te sa povredama kičme ili zglobova, alergijski rinitis,
- da nema zaraznih bolesti,
- da ima odličan vid i dobar sluh,
- minimalna visina za muškarce je 170 cm, a za žene 155 cm i indeks tjelesne mase između 19 i 27 za muškarce, odnosno 18 i 25 za žene.

f) Fizička spremnost:

- kandidati moraju imati dobru fizičku spremnost, te biti sposobni za nošenje tereta (opreme i rusaka).

Kandidati koji ispunjavaju opće i posebne uvjete konkursa za prijem za kadete na Vojnim akademijama Oružanih snaga Republike Grčke, polažu test općeg znanja, podliježu provjeri fizičke spremnosti u skladu sa Priručnikom za fizičku obuku OS BiH, ocjeni zdravstvene sposobnosti za vojnu službu koja će biti obavljena u nadležnoj zdravstvenoj ustanovi. Sigurnosnu provjeru za izabrane kandidate izvršiti će nadležni sektor Ministarstva odbrane Bosne i Hercegovine.

IV POTREBNI DOKUMENTI

- prijavni obrazac (www.mod.gov.ba);
- ovjerena fotokopija diplome završene četverogodišnje srednje škole;
- ovjerene kopije svjedočanstva svih razreda srednje škole;
- uvjerenje o državljanstvu na novom obrascu ili ne starije od 6 mjeseci;
- izvod iz matične knjige rođenih na novom obrascu ili ne starije od 6 mjeseci;
- uvjerenje o nevođenju krivičnog postupka ne starije od tri mjeseca;
- potvrdu ili uvjerenje institucije/pravnog lica da u posljednje tri godine nije otpušten zbog povrede službene dužnosti (za kandidate koji su bili ili su još uvijek zaposleni);
- prijava prebivališta CIPS-a ne starija od 6 mjeseci;
- dokaz o traženom nivou znanja rada na računaru,
- biografija - CV

V ODABIR KANDIDATA

Odabir kandidata izvršiti će komisija koju će formirati Ministrica odbrane Bosne i Hercegovine.

VI PRIJAVA NA JAVNI KONKURS

Sva tražena dokumenta treba dostaviti putem poštanske službe, preporučeno na adresu:

Ministarstvo odbrane Bosne i Hercegovine


ul. Hamdije Kreševljakovića 98

71 000 Sarajevo

sa naznakom „Javni konkurs za školovanje kadeta u Republici Grčkoj“

Konkurs ostaje otvoren 15 dana od dana objavljivanja. Nepotpune, neblagovremene i neuredne prijave, prijave kandidata koji ne ispunjavaju uslove ovoga konkursa, kao i kopije tražene dokumentacije koje nisu ovjerene, neće se uzeti u razmatranje.

Broj: 10-33-2-4213-8/14
Sarajevo, 08.06.2015. godine



MINISTRICA

Marina Pendeš